

**BOSNA I HERCEGOVINA**  
**UPRAVA ZA INDIREKTNO OPOREZIVANJE**  
**BANJA LUKA**

**ODJELJENJE ZA KOMUNIKACIJE I MEĐUNARODNU SARADNJU**

Broj: 01/3-50-4-UP/I-58-1/21

Banja Luka, 07.09.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu pravnog lica Windsor Group doo, Poštanski pretnac 96, Tuzla za pristup informacijama, Odjeljenje za komunikacije i međunarodnu saradnju, d o n o s i

**RJEŠENJE**

Odbija se pravnom licu Windsor Group doo, Poštanski pretnac 96, 75000 Tuzla pristup informacijama o prijavljenom ulaznom PDV za period april 2019. – juni 2019. , kao i o povratu PDV u istom periodu za pravno lice SZR Stil Cazin.

**Obrazloženje**

Postupak za pristup informacijama pokrenut je po zahtjevu Windsor Group doo, Poštanski pretnac 96, 75000 Tuzla, koji je u Upravu za indirektno oporezivanje zaprimljen dana 06.09.2021. a kojim se traže informacije o prijavljenom ulaznom PDV za period april 2019. – juni 2019. , kao i o povratu PDV u istom periodu za pravno lice SZR Stil Cazin

U postupku obrade zahtjeva utvrđeno je da se istim traže podaci koji predstavljaju poslovnu tajnu poreskih obveznika koji se nalaze u jedinstvenom registru Uprave za indirektno oporezivanje BiH, te da je davanje istih u suprotnosti sa odredbama člana 52. stav (1) Zakona o postupku indirektnog oporezivanja („Službeni glasnik BiH“ broj: 89/05 i 34/13). Odredbom člana 52. stav (1) Zakona o postupku indirektnog oporezivanja („Službeni Glasnik BiH“ br.89/05 i 100/13) propisano je da podaci, zapisi i izvještaji koje UINO dobije kao rezultat izvršavanja obaveza po osnovu indirektnih poreza posebno povjerljivi i mogu se koristiti samo za potrebe indirektnih poreza ili za izricanje sankcija indirektnih poreza i da se podaci ne mogu ustupiti ili objaviti bilo kojoj drugoj strani, osim u propisanim slučajevima koji su taksativno pobrojani u navedenoj odredbi, uključujući nadležne sudove i tužilaštva.

Nadalje, odredbom člana 2. stav (2) Zakona o postupku indirektnog oporezivanja propisano je: „U slučaju da su odredbe drugih zakona u suprotnosti s odredbama ovog zakona, primjenjuju se odredbe ovog zakona“, slijedom čega proizilazi obaveza za UIO da prilikom dostavljanja podataka o obveznicima indirektnih poreza striktno poštuje odredbe člana 52. Zakona o postupku indirektnog oporezivanja, bez obzira na koji način je to pitanje regulisano bilo kojim drugim zakonskim propisima.



Iz prednje navedenog proizilazi da, s obzirom na to da je Vaš zahtjev usmjeren na traženje podataka koje UIO dobije kao rezultat izvršavanja obaveza, i koji su u smislu člana 52. Zakona o postupku indirektnog oporezivanja posebno povjerljivi i mogu se koristiti samo na način propisan ovom odredbom, iste Vam ne možemo dostaviti.

Međutim, a imajući u vidu da je u vašem zahtjevu navedeno da se o predmetnom slučaju vodi sudski postupak, obavještavamo vas da zahtjev dostavljen UIO BiH treba biti upućen nadležnom pravosudnom organu kod kojeg se vodi postupak, a da nadležni pravosudni organ od Uprave zatraži predmetnu dokumentaciju.

Slijedom navedenih činjenica, odlučeno je kao u dispozitivu rješenja.

**Pravna pouka:** Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Dostaviti:

1. Windsor Group doo, PP 96, 75 000 Tuzla (uz dostavnicu)
2. Odjeljenju 01/3 2x

☉ a/a



NAČELNIK ODJELJENJA

RATKO KOVAČEVIĆ